

Հաստատում եմ՝

Ավանդական բժշկության  
համալսարանի  
ռեկտոր, Գ.Խ. Նախագահ



## ԿԱՆՈՆԱԴՐՈՒԹՅՈՒՆ

### ԱՎԱՆԴԱԿԱՆ ԲԺՇԿՈՒԹՅԱՆ ՀԱՄԱԼՍԱՐԱՆԻ ՈՒՍԱՆՈՂԱԿԱՆ ԽՈՐՀՐԳԻ

#### I. Ընդհանուր դրույթներ

- 1.1 Ավանդական բժշկության համալսարանի Ուսանողական Խորհուրդը /այսուհետ՝ ԱԲՀ ՈւԽ/ ուսանողության ներկայացուցչական, ինքնակառավարման և նրա ընկերային շահերը ներկայացնող բարձրագույն ընտրովի մարմին է:
- 1.2 ԱԲՀ ՈւԽ-ն ապաքաղաքական, ապակուսակցական և ներհամալսարանական կազմակերպություն է:
- 1.3 ԱԲՀ ՈւԽ-ն արտահայտում և պաշտպանում է ուսանողների շահերը, նպաստում նրանց կրթական, գիտական, ստեղծագործական, ֆիզիկական, բարոյական և հոգևոր զարգացմանը:
- 1.4 ԱԲՀ ՈւԽ-ն իր գործունեությունն իրականացնում է ՀՀ սահմանադրությանը, ՀՀ գործող օրենսդրությանը, ԱԲՀ կանոնադրությանը և սույն կանոնադրությանը համապատասխան:
- 1.5 ԱԲՀ ՈւԽ-ն ունի անկյունային դրոշմ, պաշտոնաթուղթ և իր գործունեությանը և նվիրատվությանը ձեռք բերած ֆինանսական միջոցները տնօրինելու իրավունք:
- 1.6 ԱԲՀ ՈւԽ-ի լրիվ անվանումն է. հայերեն՝ Ավանդական բժշկության համալսարանի Ուսանողական Խորհուրդ, ռուսերեն՝ Студенческий Совет Университета Традиционной Медицины, անգլերեն՝ Student Council of the University of the Traditional Medicine: Իսկ կրճատ անվանումները. հայերեն՝ ԱԲՀ ՈւԽ, ռուսերեն՝ СС УТМ, անգլերեն՝ SC UTM:
- 1.7 ԱԲՀ ՈւԽ-ի հասցեն է՝ ք.Երևան, Ավան, Բարաջանյան 38<sup>ա</sup>:

#### II. ԱԲՀ ՈւԽ-ի նպատակները և գործունեության հիմնական ուղղությունները

- 2.1 Պաշտպանել ուսանողների շահերն ու իրավունքները,
- 2.2 պահպանել ուսանողների մասնակցությունը համալսարանի կառավարմանը,
- 2.3 համալսարանի կառավարման համապատասխան մարմիններին ներկայացնել ուսանողությանն առնչվող հարցեր,

- 2.4 աջակցել ուսումնական գործընթացի կազմակերպման և ուսուցման արդյունավետության բարձրացմանն ուղղված ծրագրերի մշակմանն ու իրականացմանը,
- 2.5 իրազեկել ուսանողներին իրենց իրավունքների և պարտականությունների մասին,
- 2.6 միավորել համալսարանի ուսանողությանը՝ նպաստելու ուսանողության համար բարենպաստ միջավայրի ձևավորմանը և խթանելու ուսանողների գիտական, կրթական, հոգևոր, մշակութային, ստեղծագործական և ֆիզիկական զարգացմանը,
- 2.7 կազմակերպել ուսանողների ազատ ժամանցն ու հանգիստը,
- 2.8 մասնակցել ԱԲՀ տարածքում ներքին կարգապահության պահպանմանը,
- 2.9 ԱԲՀ ՈւՆ-ն իր գործունեությունը ծավալում է՝ ելնելով նշված նպատակներից: Այն համագործակցում է ՀՀ-ում և արտերկրում գործող բուհական, ուսանողական, երիտասարդական և այլ կազմակերպությունների, ինչպես նաև մասնավոր անձանց հետ՝ փոխհարաբերությունները կառուցելով պայմանագրային և համագործակցության ու փոխշահավետության հիմունքներով:
- 2.10 ԱԲՀ ՈւՆ-ն համալսարանի կանոնադրության շրջանակում, սահմանված կարգով կարող է իրականացնել իրատարակչական գործունեություն, սոցիոլոգիական և այլ կարգի հետազոտություններ, իրականացնել խորհրդատվություն:

### III. ԱԲՀ ՈւՆ-ի կառուցվածքը, ղեկավար մարմիններն և այդ մարմինների գործառույթները

- 3.1 ՈւՆ-ի բարձրագույն ղեկավար մարմինը ԱԲՀ ՈւՆ-ի ընդհանուր ժողովն է, որը գումարվում է ուսումնական տարվա յուրաքանչյուր կիսամյակի սկզբին: Ընդհանուր թվի ձայների մեծամասնությամբ՝ բաց քվեարկությամբ: Ընդհանուր ժողովի քննարկման հարցերն են.
  1. Քննարկել ՈւՆ-ի կանոնադրությունը
  2. Ընտրել ուսանողական խորհրդի նախագահ և նախագահի առաջարկությամբ ընտրել փոխնախագահ և քարտուղար
  3. Քննարկելով նախորդ կիսամյակի ծրագրերը՝ կազմել և բարելավել նոր ծրագրեր եկող կիսամյակի համար:

#### *ՈւՆ-ի նախագահությունը կազմված է՝*

- ա/ նախագահից
- բ/ փոխնախագահից
- գ/ քարտուղարից
- դ/ հանձնաժողովների ղեկավարներից:

ՈւՆ-ի նախագահի որոշմամբ կամ ՈւՆ-ի անդամների ընդհանուր թվի 1/3-ի պահանջով կարող է հրավիրվել ՈւՆ-ի նիստ:

*ՈւՆ-ի կառավարման մարմիններն են՝*

- ա/ նախագահը
- բ/ փոխնախագահը
- գ/ հանձնաժողովի ղեկավարները:

*ՈւՆ-ի կառավարման մարմինները՝*

- ղեկավարում են արդեն իսկ հաստատված աշխատանքների իրականացումը,
- նիստեր են գումարում անհրաժեշտության դեպքում, որտեղ քննարկվում են ՈւՆ-ի ընթացիկ հարցերը և լավում են զեկուցումներ հանձնաժողովներում կատարվող աշխատանքների մասին:

ՈւՆ-ի լիազորությունների ժամկետը 1 տարի է: Ժամկետից շուտ այդ լիազորությունները դադարեցվում են ՈւՆ-ի անդամների ընդհանուր թվի 2/3-ի որոշմամբ:

**ՈւՆ-ի ՆԱԽԱԳԱՀԸ՝**

- վարում է ընդհանուր ժողովի նիստերը, նիստերի ընթացքում կազմակերպում է նախագահության անդամների հաշվետվությունների և առաջարկությունների քննարկում,
- հարկ եղած դեպքում ռեկտորատ է ներկայացնում ՈւՆ-ի գործունեության մասին կիսամյակային ամփոփում,
- հաստատում է հանձնաժողովների ղեկավարներին, համագումարում նրանց աշխատանքները, իսկ անբավարար աշխատանքի դեպքում դադարեցնում նրանց գործունեությունը,
- առաջարկում է փոխնախագահի և քարտուղարի պաշտոնները:

*Փոխնախագահը* նախագահի բացակայության դեպքում զբաղվում է նախագահի բոլոր գործառնություններով, իսկ նախագահի ներկայության դեպքում՝ օգնում նրան աշխատանքներ կատարելուց:

**IV. ՈւՆ-ի հանձնաժողովները**

ՈւՆ-ում գործում են հանձնաժողովներ, որոնց խնդիրն է կազմակերպել աշխատանքներ հետևյալ ոլորտներում՝

**մշակութային.**

Այս ոլորտի նպատակը ուսանողների բարոյահոգեբանական զարգացվածությունն է, որի համար պետք է ավելի հաճախ կազմակերպվեն միջոցառումներ,

**սպորտային.**

Այս ոլորտի անդամների պարտականությունն է ժամանակ առ ժամանակ կազմակերպել սպորտային մրցույթներ և միջոցառումներ,

**ժամանցային և հանգստի.**

Այս ոլորտի հիմնական նպատակն է ապահովել ուսուցողների հետաքրքիր ժամանցը,

առաջադիմության.

Այս ոլորտի անդամները պետք է փորձեն մրցակցություն առաջացնել ուսանողության մեջ՝ ամեն կիսամյակ հռչակելով լավագույն ուսանող և ուսանողուհի,

արտաքին կապերի և հարաբերությունների.

Այս ոլորտի անդամները պետք է կապ հաստատեն այլ բուհերի հետ՝ կազմակերպելով հանդիպումներ:

**V. ՈւՆ-ի վերակազմավորումը**

ԱԲՀ ՈւՆ-ն վերակազմավորվում է ԱԲՀ ՈւՆ ընդհանուր խորհրդի անդամների 2/3-ի որոշմամբ: